

Promosi pelancongan diperheba

CHRISTINA ULAU

KUCHING, Jumaat — Sarawak akan memberi tumpuan untuk menarik pelancong domestik dari Semenanjung Malaysia dan Sabah sebagai pasaran domestik utama dalam Kempen Tahun Melawat Sarawak 2014.

Ketua Menteri Pehin Sri Haji Abdul Taib yakin Kempen Tahun Melawat Sarawak akan dapat memberi kelebihan publisiti besar ke atas Sarawak kepada pengunjung berpotensi ke Malaysia.

Tambahnya, pelancong dari Singapura, Indonesia dan

Brunei pula disasarkan sebagai pasaran serantau sertamerta.

"Kempen Tahun Melawat Sarawak ini akan disiarkan menerusi iklan televisyen dan radio mengenai Sarawak selain kita menarik perhatian pelancong asing yang sudah berkunjung ke Malaysia untuk memperluaskan kunjungan mereka ke Sarawak pula," ujarnya.

Teks ucapan Pehin Sri Taib dibacakan oleh Menteri Pelancongan Datuk Amar Abang Johari Tun Abang Haji Openg semasa merasmikan Majlis Pecah Tanah

Hotel UCSI Kuching di sini, malam tadi.

Kata Pehin Sri Taib, Kementerian Pelancongan dan Lembaga Pelancongan Sarawak (STB) akan meningkatkan jalinan kerjasama dengan Pelancongan Malaysia dalam beberapa pakej strategik seperti destinasi mesti dilawati dan seumpamanya.

"Kerajaan Negeri menerusi Kementerian Pelancongan Sarawak akan bekerjasama dengan Kementerian Pelancongan dan Kebudayaan Malaysia dalam menganjurkan 13 acara pelancongan utama dan kempen kebangsaan,

Tahun Melawat Malaysia 2014," tegasnya.

Antara acara tersebut adalah, Forum Pelancongan Asean (Januari 2014), Laluan Asia (Mac 2014), Karnival Seni Jalanan Sarawak (April 2014), 6th Cat City International Cat Show.

Dalam pada itu, Pehin Sri Taib menyifatkan, tahun 2013 secara dasarnya adalah tahun yang penuh peristiwa dan bersemangat untuk sektor pelancongan negeri ini.

Hadir sama, Canselor USCI University Tan Sri Datuk Sri Panglima Dr. Abdul Rahman Arshad dan Pengarah Urusan CMS Land Sdn. Bhd., Dato' Richard Curtis.

“Pelancongan domestik ditumpu kepada Semenanjung Malaysia dan Sabah manakala pelancong dari Singapura, Indonesia dan Brunei sebagai pasaran serantau.”

PEHIN SRI HAJI ABDUL TAIB MAHMUDI
Ketua Menteri Sarawak



Datuk Amar Abang Haji Abdul Rahman Zohari Tun Abang Haji Openg mewakili Pehin Sri Taib dalam satu upacara gimik majlis pecah tanah UCSI sambil diperhatikan oleh Canselor UCSI Universiti Tan Sri Datuk Seri Panglima Dr Abdul Rahman Arshad di Pusat Konvensyen Borneo Kuching (BCKK) pada malam Khamis di Kuching.